



Vult hoc veterum autoritas, Mundum in Autumno creatum, & ratio ipsa ex Copernico, vt Tellus sub eodem initio stet, quo reliqui. Apparebunt igitur superiores in V, inferiores & ☉ in ☽, Luna cum circa terram sit neque in V, neq; in ☽ competit, ne turbet numerum ternarium superiorum & inferiorum. Et sole occidente (sic enim conditus mundus est) nocti nullibi rectius dominatur, quam ex medio caeli, quod est ☉. Sicque poterit in epicycli summa abside consistere. Et quia orbis eius aduentitius est, fortiatut & ipsa aduentitium & peculiarem situm principij. Lunationes etiam eius nobilitas & fama inter homines, lunationumq; potissima quadrans. Caput autem in libram, & caudam in Arietem refero, vt sit in rationali situ cum Luna, absque Ecclipsi tamen: & vt Luna sit in maximo limite horeo. Erit igitur terra oculari etiam positu media inter stellas, sicut orbis eius inter orbis medium locum certo Dei consilio obtinuit, quia omnia propter hominem. Quod si Solem etiam hic in V loces: erit ♄ in ☽, & ♃ in ☿. & reliqua similiter. Sumendi autem motus medij, nam hos in principio cursus, veros esse conuenit, nempe ab absidibus. Hæc palma in medio posita, quam aut similem si quis aut ex calculo aut ex restauratione Astronomiæ adeptus fuerit, is phyllida solus habebit. Hæc de initio.

Finem motui nullum cum ratione statui, nullumque fore Platonium annum ex postulato vno probabo. Detur namque eccentricitatem esse cum orbe in proportione rationali: erunt igitur orbium radij inuicem irracionales, quia habent se, vt inscripti & circumscripti corporibus, qui irracionales sunt, quia sequuntur ex ratione subtenſæ in quadrato, & sectionis secundum extremum &

L 2 medi-